

柳

集

點

勘

柳集點勘卷之三

東吳 陳景雲 少章

卷三十一

與韓愈致段太尉逸事書今所趨走州刺史崔公時
賜言事又具得太尉實跡崔公名能嘗為渾瑊從事
瑊以副元帥統邠蒲諸軍則太尉在邠實跡崔必有
得之於其州人出子厚舊聞外者

與劉禹錫論周易九六說書見與董生論周易九六
義案此書乃元和中在永州作董生名振字庶中以
判部從事退居朗州適夢得謫官來此因邂逅相契

耳董卒元和中有集名武陵夢得序之并誌其墓

容元饒州論春秋書此書無年月可攷書中稱亡友

呂和叔呂以元和六年卒又言往年曾記裴封叔宅

聞兄與裴太常言太常名蒞封叔宗人也元和七年

閏十二月尚為國子司業見舊史憲宗紀後遷太常

卒官則此書之作在七年後明矣書末又云宗元始

至是州作陸先生墓表今以奉獻與宣英讀之是州

謂永州也宣英者饒州司馬韓睦與子厚同貶者時

方在饒與元為僚故云爾及九年冬柳與韓皆奉詔

赴都去永饒而北矣則是書殆作於八九年之交乎

與呂道州論非國語書有韋詞者告余曰吾以致用
書示路子按路子必路隋也韋路並早有高名又素
友善獨孤申叔墓碣列一時同志名流凡十餘人詞
與焉又隋父泌見石表先友記則子厚與隋亦仍世
有好矣隋後登宰輔詞亦數厯清顯唐史並有傳
元虞槃幼時讀柳子非國語以為國語誠可非而柳
子之說亦非也作非非國語時人歎其有識槃字仲
常集之弟附見集傳

卷三十三

答周君巢書君巢貞元十一年進士其成名在子厚

後而書中稱周為丈人棠柳子作叔父墓表記一時
會葬親故名巢名冠其首或是戚屬之尊者君巢至
太和中歷官衛尉卿

卷三十三

與楊誨之書書首言至潭州見足下潭州乃湖南觀
察理所永貞元年十一月子厚謫永誨之父憑亦以
是月自湖南移江西子厚赴貶所必自潭而永時誨
之猶未去潭因得見之及元和四年憑由京尹謫尉
臨賀誨之以五年省父過永州故再得相見書中言
今日有北人來示將籍田勅據新史禮樂志此勅在

元和五年又與晦之第二書有始復去年十一月書之語即謂是書也

與楊晦之第二書安有以憂悲且憐之之志而強殺馬者哉強役二字義晦似當作復蓋蒙上復字言之強復殆猶強聒之義且下云百復即強復也以售聖人之道售字未詳疑當作讐合也與送南涪州序中適讐乎文之讐同

答貢士沈起書貞元十八年韓子與祠部陸員外僂書薦士十人中有沈杞者即以是歲登第疑杞即起也又韓書中有張後餘即子厚為作哀詞者而登科

記作俊餘杞起不同或亦類是

賀王參元書參元濮陽人鄆坊節度使栖曜少子栖曜居方鎮垂二十年歿於貞元中參元家有積貨皆先世所遺書中有勤奉養諸語蓋時方奉侍其母也篇首言得楊八書楊八名敬之子厚之戚而參元深友也敬之行八見劉賓客詩其與參元友善兼有李商隱李賀小傳可證或謂楊八即柳子酬楊侍郎之八叔拾遺非也 宥而章之案宥本訓寬與上下文義不屬疑當作佑乃蒙上相吾子言之

容韋中立畫京兆尹鄭叔則叔則滎陽人貞元五年

自京尹謫佐永州後終福建廉使

振常按唐注
與此畧同

容貢士元公瑾畫貞元十四年作書言左馮翊崔公
先唱之舊史貞元十四年九月以同州刺史崔宗為
陝虢觀察使此稱馮翊蓋在九月前也是歲子厚始
授集賢殿正字故有張張下列二語汝南周穎客疑
是周君巢殆因巢父隱潁水間故以潁客為字耶又
云樹勢使然樹似當作時上言生乎今世下言觀時
而已蓋皆以時勢言之

容韋珣畫而僕稚駉卒無所為案書中目珣為年少

則時作者之齒長矣與杜溫夫書中吾性滯騃語則此稚字或滯字之誤

報崔黯秀才書黯字直鄉僕射寧季弟密之孫擢進士第累官諫議大夫大中初為江州刺史有復東林寺碑文詞道麗為歐陽公所稱見集古錄及趙德甫金石錄

卷三十五

上廣州趙宗儒尚書啟趙宗儒當作趙昌孫注已辨其誤啟言始除御史尚書與杜司空同過邸舍按子厚以貞元十九年入臺時昌為國子祭酒杜司空黃

裳則方官太子賓客也

賀趙宗儒辟符載啟房給事明之於朝王吏部辨之於外案房給事式先與載同為西川從事後擢給事中王吏部仲舒時自南省出刺外州故曰辨之於外謝李中丞啟謝啟外又有上中丞二啟案呂溫河南團練使廳壁記元和三年冬天子命御史中丞李公以永嘉之清政京兆之懿則廷賜大旆俾綏衡湘蓋潭使薛苹移浙東後除李代之恃不得其名此謝中丞安撫流人崔簡戚屬在六年夏末幾簡弟策訟寃於朝中丞亦緣此去官矣

上桂州李中丞薦盧遵啟使遵也有籍名於天官獲
祿食以奉養考唐制桂州二十餘郡州掾而下至邑
長三百員由吏部者十一他皆廉使量才補授故子
厚特有是薦曰籍名天官蓋從廉使授官後始升名
吏部也遵後令桂之屬邑全義子厚為作復北門記
殆由此薦而得之

卷三十六

上權德輿啟啟云拜揖長者自於幼年又有顧下念
舊之語則亦子厚父執也德輿嘗為江西廉使李兼
判官蓋與侍御夙有同官之舊而先友記遺之何也

正大理崔大卿應制舉啟柳子年二十四求博學宏
詞二年乃得仕此啟蓋初試不利後作貞元十三年
也唐制試吏部者皆考功主其事子厚應宏詞試時
適崔卿已自考功遷大理故深以不遇知己為恨而
更求其撫薦於再舉耳崔卿名倣歷右丞卒又按倣
遷右丞宰相趙憬所擢也貞元十三年倣方官丞轄
而此題仍稱前官當更考之

卷三十七

為京兆府請復尊號三表此三表及為耆老請復尊
號表為京畿父老上宰相府尹二狀並貞元十八年

以藍田尉留府廷主文章時作大尹韋夏卿以吏部侍郎除京兆而結銜中尚帶前官故上尹狀內稱侍郎是也又為韋夏卿賀除實群拾遺表及為韋京兆祭杜河中文皆是年作據舊史羣之除命在五月癸亥而其歲三月除河中行軍司馬鄭元為河中帥故知前帥杜確當沒於此春

賀嘉禾芝草表〔蕤蕤之祥〕注草盛貌誤詩黍稷蕤蕤〔常樂〕注鄭箋蕤然而茂盛煌煌之秀〔按嵇康詩亦引此詩〕

煌煌靈芝一年三秀注亦未及

為王京兆賀嘉蓮表〔慶傳種德〕虞書皋陶邁種德唐

自謂出皋陶後天寶初追尊為德明皇帝故表云爾

抵常案廖
注與此同

賀雨第三表周王徒勤於方社乃用詩方社不莫語
周王謂宣王也舊注引以社以方與賀雨無法矣

賀親自祈雨有應表表首言得上都院官金部員外
郎韓述狀報案上都者京師也院官者進奏院也唐
代牧守得置院上都有事關報者唯諸道大帥及同
華二州耳餘州刺史即皆無之觀表中謬司垣翰語
當是代當時方鎮作又同華獨得置院如諸道者因
二州並不隸大府異於支郡故事權與連帥埒或疑

集有代劉同州謝上表此表或亦代劉作然以郎官
掌上都留卽恐同州幕吏尚不得有此當更考之

卷三十八

〔柳州賀破東平表〕睿文聖武皇帝案元和三年羣臣
上睿聖文武尊號文聖二字當乙 介丘霧息介丘

泰山也司馬相如封禪文以登介丘藝文類聚引黃
帝玄女戰法曰皇帝與蚩尤戰不勝歸於泰山三日
三夜天霧冥冥 千歲之統史記太史公自序天子
接千歲之統封泰山 振常按應注
全與此同

〔為王戶部薦李諒表〕諒長慶初除泗州刺史未之任

改壽州白樂天集有制詞而吳文定姑蘇志云諒長慶四年自泗州刺史奏最以御史中丞徙蘇州賜紫未知採何書也

爲裴中丞舉人自代伐黃賊表前佐湖南後歷郡掾案佐湖南猶爲伙府從事至郡掾乃州佐以下參軍之屬若自府從事爲之即下遷矣況中丞方膺專征重任不應薦郡掾末僚代爲元帥也掾疑當作篆或守字之訛

爲崔中丞乞朝覲表及移臨桂星紀屢周又上中書門下狀云自領桂管又逾再周據舊史崔詠以元和

八年十二月自邕移桂觀逾再周語則表狀皆十年作也子厚於十年春奉詔赴都除守柳州乃桂管巡屬其之官也蓋先至桂而後至理所有桂州望秦驛詩表狀二篇蓋進謁大府時奉命所作未幾中丞遷鎮廣南卒竟未及赴闕也

代永州韋刺史謝表據文苑此表乃李邕作

柳州謝上表孫注貞元中代人作按此乃李吉甫文周益公言編集者誤入是也舊史言陸贄作相出吉甫為明州長史久之遷忠州刺史六年不徙官以疾罷免尋授柳州刺史表云左官一紀蓋通計貶明州

後歲月也又云久停官秩去年蒙恩除替便欲赴京
以舊疾未愈云云停官即史所言以疾罷免及聞除
替之命自忠州東下故表中有歸過襄陽語則此表
為吉甫作無疑又吉甫乃判柳州非柳也柳集有和
楊尚書追和故李中書詩即吉甫在柳州時作舊史
訛柳為柳至新史本傳已正之柳集文苑載此表並
作柳州正與舊史誤同 幸躡康衢意非往蹇文苑
作而意悲往蹇為是 振常按唐注亦云此
文恐偽且有辨明
代廣南節度使謝出鎮表舊注鄭綱案綱雖嘗在相
位然除廣帥非由政府出鎮又時無專征獻俘事不

當有此作疑是僖宗時宰相王鐸自請督軍誅剪群盜因除荆南節度使兼諸道兵馬都統故謝表云爾表中所言凶渠蓋謂黃冠專征即謂都統之命也編者誤入又訛荆為廣注家不辨遂以鄭綱附會之

為武中丞謝賜新茶表順宗以乙酉正月即位三月中丞武元衡改授左庶子斯表之進當距即位未遠故有大明首出一聯又順宗誕辰在正月扶萬壽以效珍句謂新茶入貢適當斯時也唐代吳蜀貢新茶皆以冬中作法為之故可春初上獻振常案此表各本皆列外集原此稿列此或所據宋本如此廖注亦云此表當與謝櫻桃表並列故仍其舊

爲武中丞謝賜櫻桃表按中丞李汶卒武元衡代其
位集有祭李中丞文乃貞元二十年五月而元衡中
丞之除卽是年三月也有劉禹錫謝新茶春衣二表
可證是表之作蓋與劉同時及明年正月子厚已遷
儀曹三月元衡又改庶子皆不當有此表矣 恩溢
圓方注圓方俎豆非毛萇詩傳方曰筐圓曰筥皆竹
器耳張衡南城賦玲羞琅玕充溢圓方此所本也又
集中翼上人贈新茶詩有圓方麗奇色語亦謂貤茶
竹器

卷三十九

為薛中丞奏五色雲狀舊注薛華或云薛戎案或說非也子厚謫永之歲華自虢州遷湖南觀察永州在所部及三年華移浙東後子厚為舊府代作

讓監察御史狀子厚與夢得並以貞元十九年閏十月除御史韓子詩謂同官盡才俊偏善柳與劉是也及十二月韓即由御史貶陽山蓋同官不滿百日

為南承嗣請從軍狀又上中書門下乞兩河効用狀元和四年十月癸酉下詔討王承宗庚寅立鄧王寧為皇太子癸巳以冊儲肆赦南承嗣以永州司馬移澧州長史此二狀乃甫聞癸酉之詔未奉癸巳赦文

前作然狀雖上而所請不允故尋有送承嗣赴澧序
撫劍心往乃用陳思王求自試表撫劍東顧心馳
吳會語宋刻一作心在非是

進農書狀狀首云奉某月日勅宜以二月一日為中
和節所司進農書永以為恒式案唐史此勅在貞元
五年正月先是以正月晦日為中和節至是始易之
故狀云自陛下惟新令節是也則狀乃貞元五年進
與為百官請復尊號諸表同表出崔元翰筆編者誤
入周益公辨之甚詳此狀亦非柳子作但不得作者
主名耳 農書乃則天后所刪定北人本記見呂和

叔元和中代百官進農書表表云徵有司之舊典奉
先后之遺文 宋本題下有側注農書三卷四字案
此四字當作大字提行另起低前一字如前篇為南
承嗣請從軍狀次行故某官一條乃合體例作側注
非又後篇代人進瓷器狀篇首瓷器若干事五字當
刊右件瓷器語之右今合作一行非也外集中與衛
淮南石琴薦啟篇首疊石琴薦一五字亦同

代人進瓷器狀且無瓦釜之鳴注賈誼賦黃鍾毀棄
瓦釜雷鳴案黃鍾二句乃楚詞卜居篇文注誤

柳州舉監察御史柳漢自代狀此及上中書門下狀

並疑有誤一曰準從前敕文常參官上後舉一人自代一曰準元和六年十月十七日敕常參官授上後三日內舉一人自代案常參官乃常朝日赴朝參者文官五品以上及兩省供奉官監察御史員外郎太常博士是也若外州刺史非朝官其薦人自代不得援以為比如韓子在元和長慶間凡除朝官有舉人自代狀皆引建中元年正月五日制其文與此所引正同若元和六年復有此勅韓子豈得遠引建中舊制至刺史舉人自代有元和十五年韓子量移袁州薦韓泰自代狀可證其狀亦引建中元年正月勅有

常參官及刺史之文尤為明悉此蓋當日刺史薦狀之準式子厚二狀當是貞元十九年初除監察御史日進與同時劉禹錫始入臺薦崔羣自代狀同耳群與柳漢皆使府御史其資亦同題中柳州二字及準元和六年云云殆皆傳寫之訛禹錫狀亦引建中舉官制與韓子諸狀悉合則此狀準從前敕文語亦誤〔上戶部狀〕宗元在永州日見百姓莊宅公驗有司戶李邕判給處足明皆是正官案唐史邕傳嘗貶富州司戶非永州也疑貶後嘗量移於永而史略之文苑有邕代永州韋刺史謝表亦其嘗謫永州之證

為裴中丞代黃賊轉牒容府陽中丞以義烈為已任
勲罷太常容管經畧使陽旻神策行營節度使惠元
少于惠元立功建中貞元間死李懷光之難

賀誅淄青逆賊李師道狀宋本題前有中書門下狀
五字一行次行賀誅云云低前一字狀云前件賊者
謂次行所列也諸本皆脫此一行五字又此作與下
二篇俱代裴中丞作其代中丞上裴相狀中言已具
中書門下狀賀訖謂第一狀也則題當作代裴中丞
上中書門下狀乃合宋本疑尚脫五字耳又題後次
行末衍一狀字

鼎按原稿以前尚有一則語意全同
但此詳彼畧蓋一為初稿一則定稿

錄者不知取捨
今去畧留詳

賀平淄青後肆赦狀篇首某官某乙四字當刊右某
伏奉云云之右低前行一字

為裴中丞乞討黃賊狀案中丞下當有上中書門下
五字一本賊之下有上裴相三字

為崔中丞乞朝覲狀六歲來見要服有期詠元和五
年由號守除邕管至是在嶺外整六歲矣用古精切
如此

卷四十

祭楊憑文篇首不著年月之詳案子厚妻以貞元十

五年卒而此文言家缺主婦已十八年蓋元和十二

年作也

根常案廖本注亦云元和十二年作

永貞元年子厚謫永至是

凡十三年故曰黜伏逾紀

察穆質給事文

邪臣既斥乃進其級舊注貞元八年

竇參貶乃名質為刑部郎中案質當作贊質之兄也

且此注亦非進級乃對上左官言之謂先侍御自竇

參既貶從夔州召還由殿中遷侍御也端於庶僚四

句皆申言侍御立朝風節自公在郎位至銜塊罔極

乃謂給事官即署時坐累遠貶已為御史不能如先

人之抗章平反為有忝遺則耳諦觀下文舊注之味

於文義自見 公在左掖議登秩官案左掖謂官給
事也唐時稱門下省為東省亦曰左掖給事屬門下
故云爾議登秩官以下言己身竄惡地名在刑書給
事特有意建議為之滿洗適亦坐累左遷未酬其志
然仰荷高義與已脫謫籍同故曰感於諸中有涕洟
瀾也 此文無年月可攷案馬總以元和八年除廣
南帥有薦質自代狀其歿必在子厚刺柳後故有狼
荒萬里及願溯海風語穆氏祖墓在洛之屬邑偃師
首陽山給事蓋返葬於此故曰洛涘

祭李中丞文 中丞名汶出宗室大鄭王房之裔故曰

發自天枝唐制三院御史有缺大夫及中丞舉之貞
元之季御史臺久不除大夫臺事實中丞專掌王播
以汶薦由盤屋除監察御史則自播以下諸人入臺
皆出其薦可知故曰猥備官屬况當薦延也 穆贄
舊注贄當作質業穆贄貞元八年登進士第見唐科
名記穆質乃子厚先友當抑子官御史質方為省郎
非同僚也有祭穆給事文可以參證 發跡內史參
其軍事舊注古內史今鳳翔府案鳳翔乃漢右扶風
地秦之內史則漢唐京兆也發跡二句言中丞始為
京兆從事下云復從京邑辟署司錄蓋自府從事出

為畿令又自畿令入為府掾首耳 禮備贈贈謂
贈刑部侍郎一作賻非

為韋京兆祭太常崔少卿文韓醇曰以世系攷之當
是崔溉按韓說得之但語猶未詳耳文中言惟鄭洎
齊各登鼎司謂齊映鄭餘慶二相國也或喪或存山
川是違韋夏卿以貞元十七年除京兆尹時齊已下
世鄭方遠謫故云爾又穆員作溉母盧夫人誌云今
之宰政與賢卿大夫多溉之遊宰政即謂齊相時方
秉政以此證之則少卿為溉無疑矣韋嘗為留守從
事家居東都員與其兄贊皆崔韋深交蓋洛中十友

之二人也

為李京兆祭楊凝郎中文惟是伯仲並為士則注凝
兄憑弟凌皆有名於時案伯仲專指凝憑言之觀下
元兄競爽諸語可見注并及弟贊矣大梁有數天
子是使貞元十二年宣武帥李萬榮病篤子廸謀擅
領軍事監軍執送京師詔除東都留守董晉鎮宣武
以凝為判官舊注未明

為安南楊侍御祭張都護文楊侍御未詳其名觀文
中伯氏左宦云云殆憑之族弟也據舊史安南都護
張舟奏破環王國在元和四年八月而五年七月為

總自虔州刺史除安南都護則舟必歿於五年夏矣
憑以四年七月自京尹謫臨賀尉舟辟侍御入幕當
適在此時故侍御至中途而滯留又云子姓莫在觀
子厚在永與憑子誨之書誨之蓋以父謫官明年過
永抵賀亦憑初赴貶旁無子姓之一證曰情留江徼
者謂賀江也舟沒踰歲返葬長沙見集中張都護誌
時憑量移餘杭侍御殆隨兄北旋因與府主之喪相
值湖湘也

〔祭萬年裴令文〕營營衛尉獨守邦秩營營似當作梵
梵上云屢聞凋缺言封叔悼亡外兼有天倫之戚也

蓋前此仲季二人今止存其一故有梵梵語 想其
永哀淮海蕭瑟想當作相李迴秀裴長史碑云烟隧
蒼茫風相蕭瑟疑子厚用此

災張後餘辭既得進士明年卒業登科記後餘元和
二年進士則此文乃三年在永州作

楊承之哀辭世父孔悲兮湘水滔滔世父謂承之伯

父湖南廉使憑也世振常案唐注亦云憑以貞元十八

年之官湘水在其境內又三年移江西哀詞序中但
言承之以既冠之明年四月夭而不著其年觀湘水
滔滔句必在憑未移江西前殆歿於湖南使院也承

之與弟敬之皆憑李弟凌之子凌最早歿故襲承之者獨有母及弟耳又韓子與敬之書在貞元十七年承之未夭之前書言李翱稱敬之之文遠其兄甚兄即謂承之也柳子言承之所作辭賦書論甚偉蓋其文已甚傳於時故韓柳之言云爾敬之唐史有傳而承之無聞焉又世系表中并漏其名故詳著之以補史氏之畧

卷四十一

祭井文唯昔逝石舊注逝一作匿恐皆非也似當作還與祭楊詹事文亦莫有還之還同還逆也乃對下

文順道為切。克長厥靈郭璞江賦咨五才之並用
實水德之靈長

祭崔氏外甥文文中十舅乃子厚從弟宗直祭宗直
文呼十郎是也

祭外甥崔駢文桓公之臺桓公未詳一作柏觀戲抽
佛策語其人或是釋子耶 刑曹繼之案繼之楊嗣

復字也嗣復父於陵見石表先友記則子厚與繼之
蓋夙有通門之契者繼之以元和十年遷刑部員外
郎十三年四月鄭餘慶為詳定禮儀使奏為判官改
禮部員外郎此文乃未改官前作又祭甥女崔媛文

中有駢也英文又茲天關語媛卒於十二年蓋駢之
亡亦在是歲也

外集

鼎按各本外集皆在詩後原稿列此蓋詩文以類相從也今仍之

河間婦傳遂入隄隄州西浮圖兩間司馬相如賦臨
曲江之隄州張揖注隄長也則隄州在曲江唐代都
城游覽之勝曲江為最又浮圖臨水故叩檻出魚鼈
食之

萬年丞柳君誌四葉至皇考悖以下文世次攷之皇
考似當作曾祖然曾祖古有皇考之稱見於禮記此
所本也 祖廷州司馬崇世系表司馬名初祖下脫

一字 季父建注頤三子長元方季即建案文云季父建乃謂元方之季父則建乃延州司馬季子而頤之弟也注誤甚

潞州兵馬曹柳君志案馬字衍 潁陽北臨間間當

作澗

振常案此篇潘本無原本亦無濟美本有

請復尊號第六表恨恨而不能自安恨恨一作恨恨為是嵇康與山巨源書願此恨恨注引廣雅曰恨恨悲也

為裴令公舉裴冕表案裴當作郭振常案原本注亦舉當作雪此表乃汾陽幕下士卻說所作見文苑英華

昔人有疑子厚父為汾陽管託時作亦非也卻說舉
進士當事史思明父子及歸順後汾陽重其才留之
幕下事詳舊史又表中盜憎之恥今集作憎嫌之恥
亦非

為裴中丞賀破東平表遼海無虞見石碣之已至案
郭帥并領平盧一道平盧遼海地又兼押蕃使故有
此二語舊注未悉

賀裴桂州啟觀子厚賀赦表中榮周存歿語蓋謂贈
封恩詔子厚以元和十四年作桂州兄誌言其父由
尚書郎再贈大理卿此啟殆賀其再贈也

柳集點勘卷之四

東吳 陳景雲 少章

卷四十二

寄張澧州名勞長者記文許後生誇案子厚之齒少
於澧州十五歲故稱之為長者自謂後生 憲府初
收迹注子厚自集賢殿正字為監察御史案柳子始
除正字繼調藍田尉由尉擢御史非自正字入臺也
寧復歎樓直直舊注合作葦字案詩如彼樓直正
作直字注贅可刪 渚行狐作冀狐即射工也與李
建書云永州於楚為最南僕聞即出游游復多恐近

水即畏射工沙虱舍怒竊發中人形影動或瘡痛

挹水勺仍柳注柳榆誤柳木名瓊臺志柳子樹似檟

柳實大如瓜剖之其中有酒其皮可為飲器按常案

引立異柳子志

獻弘農公詩冰鯉弔王祥自注王舍人居憂在洛案

舍人謂仲舒也仲舒官中含在柳子沒後前此但以

致功郎知制誥亦得稱舍人者蓋以職同耳如劉夢

得有器獨孤郁舍人詩郁亦以郎官典誥未嘗正除

舍人也又于邵元稹皆以他官知制誥而邵自言忝

西掖舍人稹與同寮諸舍人會食閣下足知其官曹

一也

酬婁秀才困志情惟舊困一作同為是禮記鄭注同志曰友又子序有送秀才序言相識在未第之前則有舊久矣

古東門行柳子古東門行及劉夢得靖安佳人怨詩皆為監獄武相元衡事而作武相遇盜於所居靖安坊之東門故劉柳題詩云爾先是二人既坐任文黨請佐遠州元和中召還方冀進用又俱出刺嶺外時武相當國二人深憾之此二詩所由作也史言任文之黨初召還諫官交章力言其不可用尋有遠郡之

斥蓋當時君相亦採公議行遣非緣政府之忤矣憾
時宰者蓋褊心之未化二詩俱不作可也

寄韋珣貞元之季韓子薦士十人於陸修其一為韋
羣玉書曰羣玉京兆從子賢而有才京兆謂夏卿群
玉蓋夏卿弟正卿子說者以此詩回畔炫晃別群玉
句證群玉即珣殆應舉時偶以字行後復初名耳案
世系表正卿子有珣無羣玉又柳子酬楊侍郎詩有
貞一南來送彩箋句貞一亦侍郎族叔字與此詩舉
珣字正同則珣即群玉之說得之也表不載珣字又
逸其官爵觀是詩屹屹竄逐語是已入仕而左它後

歷江州刺史則太和中事也別見地理志

黃中按元徽之有章

今所除京兆府美原令制則長慶初也

君今矻矻又竄逐注矻與砮同

爾雅曰固也似不切本義漢書王褒傳注矻矻健作貌下詞賦句正言其馳聘翰墨之勤也

率和楊尚書層軒隔炎暑韓子送廖道士序云衡山之南最高而橫絕南北者曰嶺柳之為州在嶺之上測其高下得三之二則郡樓之峻眺望之遠從可知矣層軒一聯證以韓序彌見其工警也鳳去徽音續芝焚芳意深鳳去謂吉甫去官芝焚則傷其逝陸士衡歎逝賦芝焚而蕙歎芳意深者殆即蕙歎意乎

鶴唳遠仙岑劉夢得和楊侍郎初至郴州題郡齋
詩有城頭鶴立之語自注蘇耽傳云後化為仙鶴止
城東北隅樓上案耽柳人詩中鶴唳句蓋用耽事以
此句例之上二句亦必切本州故事但未詳所出耳
又陷浦亦不曉其義或陷字有誤

過衡山見新花開却寄弟味詩意蓋已北還而弟尚
留永故寄詩促其行耳以祭從弟宗直文參證似所
寄即宗直也

離觴不醉至驛却寄相送諸公荊州不遇高陽侶此
用世說山季倫為荊州酣醉高陽池事舊注但云漢

鄴食其語未為得解

北還登漢陽北原注漢陽屬鄧州案唐沔州治漢陽
隸鄧岳觀察使所統非鄧州屬縣注誤時王師伐蔡
分道並進鄧部正當東南一面故有多壘句言蔡寇
未平也

同劉二十八及呂衡州兼寄江陵李元二侍御舊注
但云是時監察御史元稹貶江陵士曹參軍而不志
李侍御為何人兼引或說元李二侍御是李深源元
克己尤為疎誤深源克己皆零陵遷客與江陵無涉
又深源嘗歷太府卿非侍御也此所寄者乃李景儉

耳景儉由御史謫江陵掾與元稹同幕稹有及呂衡
州詩亦見集中蓋亦呂之宿好而景儉則尤其死友
故子厚兼寄元李二人 不使功名上景鍾注晉詩
令狐文子曰其勲銘於景鍾案晉語悼公使令狐文
子佐新軍曰昔魏顆退秦師於輔氏其勲銘於景鍾
則景鍾非文子語也注誤

酬楊侍郎丈因送八叔拾遺戲贈詔追南來諸賓拾
遺名歸厚字貞一行八侍郎於陵之族叔元和七年
自拾遺貶國子主簿晚歷典大州太和中年劉夢得
祭文中有一斥不復君門邈然語蓋自拾遺左官後

回翔於外久矣則侍郎送之南行而詔追諸公相值
於途正其遷謫失意時也翰林寂莫即用其家子雲
翰林主人及惟寂惟莫之語以比貞一言今雖垂翅
行當冲霄故以鳴鳳上天儼之 白樂天池上篇序
有弘農楊貞一與青石三語

長沙驛前南樓感舊本注昔與德公別於此案長沙
驛在潭州韋迢潭州別杜甫詩江畔長沙驛相逢纜
客船是也此詩赴柳時作年四十三觀詩中三十秋
語則驛前之別甫十餘齡耳蓋隨父在鄂時亦嘗渡
湘而南

程州北望秦驛手開竹筴至釣磯留待徐客州子厚以元和十年三月乙酉除柳州長安令徐俊亦即以是月壬戌授容管經畧使並見舊史憲宗紀但史以容為邕乃傳寫之誤當據此詩及酬徐中丞詩正之子厚蓋先徐就道故留題桂驛云爾

殷賢戲批書後聞道近來諸子弟注孟崙二童疑夢得家子弟案白樂天序夢得倡和詩云寫二本一授夢得小兒令收藏又觀後篇美君瓊樹句則孟崙皆夢得少子也

蓋後南宮起草舊連名注子厚與夢得嘗同為尚書

禮部員外郎案柳子官禮部劉為屯田員外郎非儀曹也以皆為尚書省屬故云爾南宮乃通謂尚書不專指禮部如祭楊凝郎中文中有南宮起草語凝未嘗官禮部即其證也又唐人語多如此注家未詳攷耳

〔附〕劉夢得答三贈詩年方伯玉少案詩作于元和十年劉年四十五柳更少二歲均未逮伯玉知非之年故云爾舊注誤引莊子行年六十之文恨比四愁多案張衡四愁詩中有我所思兮在桂林欲往從之湘水深語時劉柳皆渡湘而南故云多也

卷四十三

〔南澗〕去國魂已游游一作遠恐皆誤似當作逝楚詞
魂一夕而九逝又懲咎賦及哭凌準詩中皆用魂逝
語

〔輿崔策〕登西山塞連困顛踣易往蹇來連連力善反
難也馬融王弼之訓同又植靈壽木詩亦云蹇連易
衰朽

〔法華寺〕西亭夜飲案西亭夜飲詩序作於謫永次年
子厚年三十四又諸賓客之齒略同故云爾亭之西
臨池故有霧暗水連階之句

植靈壽木敢期函杖賜孔光李靖並賜靈壽杖事見

漢書唐史舊注未及

振常案唐注亦引漢書孔光賜杖事

行路難桃笙葵扇安可當舊注當合作常恐仍作當為是言時序之寒燠既改侯家之熾炭禦冬反不如桃笙葵扇之宜夏矣若作常義反晦矣

感遇感遇詩二首蜀人韓醇曰在永州作宋槩大字本於非國語下載張嶠舍人言子厚感遇二詩始終用太子事不知何謂案柳集中他人文誤編入者甚多此二詩亦非柳子作當時無儲位忼愴事不應如詩所咏韓亦無明據宜闕疑以俟博攷如童區寄傳

本作於永州而韓以為柳州作則其說之臆揣多矣

文安禮柳集年譜附

柳集中年譜久逸獨存其序近廣陵馬君購韓譜後未久復收得宋槧柳集殘帙獨年譜完好乃諸本所無因與韓譜同梓譜中辨柳爽為柳子高伯祖非曾伯祖足訂前賢之疎又陽城自國子司業出刺道州唐史無年月通鑑攷異據子厚司業遺愛碣謂在貞元十四年譜則以遺愛碣及與太學諸生書並繫十五年與通鑑異然諦觀碣文則譜為是集中與太學諸生書題下注貞元十四年乃後人承通鑑之文而

失之當據譜釐正至於譜文甚簡蓋仿呂汲公韓譜體例略具作者出處梗概讀者宜更詳攷之

序柳氏宗譜皆採唐史世系表自恭後魏河東郡守至宋安郡守唐史志本北史柳虬傳但虬傳云恭仕後魏為河東郡守後以秦趙喪亂率人南徙唐史易趙為魏恐誤也又宋州別駕周書柳慶傳作宋司州別駕蓋北史偶脫司字而唐史仍其誤攷宋書州郡志州郡中無宋安疑非新安即東安之譌而諸書相沿未正也

譜繫雲峯碑於貞元十七年蓋以碑云雲峯沒于是

年耳然塔銘中明言余與重巽游重巽亟為余言故
為其銘柳子至永州後始識重巽則寺碑塔銘皆作
於元和中譜攷之未詳也

送文暢序中夏官韓公謂韓皋也按唐史皋以貞元
十一年自兵部侍郎改京兆尹序稱夏官必作于皋
未改官前譜繫於十九年誤也作序時柳子尚未仕
故先厯序韓公諸朝貴而後繼之曰吾輩詩而序之
蓋褐衣自與朝士相別其非十九年作尤易明文氏
殆因韓子送文暢序中有貞元十九年春將行東南
柳君宗元為之請語以二序為並時作遂繫之是歲

不知此乃送其游西北而韓則送往東南其時與事前後絕不相蒙也

黃中按譜繫石表先友記於元和元年歲次丙戌五月十五
太夫人歸祔誌云元和元年某月日安祔於先侍御
日棄代於永州佛寺當年某月日安祔於先侍御
史府君之墓則此記當作於元和二年又記中杜
黃裳如司空出為河中節度使新史憲宗紀宰相表
及黃裳本傳共出為帥晉絳事俱在元和二年尤明
也

般舟碑孫注碑前云永州司馬員外郎柳宗元撰并
書元和三年二月十九日僧景秀立作譜者未見碑
刻但據般舟化去之歲遂繫以貞元二十年其誤正
與繫雲峰碑於十七年同東坡言子厚南遷始究佛

法作曹溪南岳諸碑妙絕古今東坡必盡見石刻及
般舟雲峰彌陀無姓諸碑皆得其歲月之詳故云爾
金石錄般舟和尚碑柳宗元撰并書子厚頗自矜
其書然亦不甚工今見於世者惟此與彌陀和尚碑
耳雖字畫大小不同然筆法絕相似

同吳秀才贈李睦州序秀才諸本皆作武陵業武陵
登第後流永州不當有秀才之稱恐誤又凌準以元
和四年冊儲肆赦始得返葬則後誌之作當在四年
南霽雲碑歲月亦無可攷今俱係以三年未詳何據
元和七年有賀皇太子牋案此牋乃元和十四年在

柳州作與賀憲宗受徽號表同上也作譜者以元和
七年有建儲事遂誤繫於此又武岡銘為潭帥柳公
綽遷鄂岳作也據唐史公綽移鎮在八年則此銘繫
於七年者亦誤也

詔追赴都回寄零陵親故詩過衡山見新花開却寄
弟詔泊羅遇風詩北還登漢陽北原題臨川驛詩界
圍嶺水簾詩戲贈詔追南來諸賓詩案諸詩皆元和
十年春作譜繫於九年非也柳子以九年冬奉詔追
至明年春始就道如萬石亭記乃十年正月五日在
永州作而再宿界圍嶺詩云發春念長違仲夏欣再

觀是也又萬石亭記亦作於永州非抵柳後文當繫
至灞亭詩前

元和十三年有裴中丞乞討黃賊上裴相狀為裴中
丞伐黃賊轉牒案桂管請討黃賊在元和十四年淄
青既平之後上裴相狀當繫十四年謝討黃賊表前
而以轉牒次表後今皆誤又有祭蠹禍牙二文並應
次牒後譜亦失載又答杜溫夫書繫十三年亦誤書
云今而去我道連而謁於潮又得二周孔連謂劉夢
得潮謂韓退之也韓以十四年貶潮州則是書必在
韓抵潮後明矣

十四年唐史吳武陵傳云云案元和十年柳劉二韓
並詔追赴都時孟簡在言路力排二韓則不滿於柳
可知特未并入彈事耳後吳武陵既言於裴相復恐
簡之視其進也故特為書解之然程并起領刺職在
未奉詔追之前而劉與二韓則終柳之世皆未離謫
籍無復典大州事其書殆半出後人附會史家未辨
遂全採之

越己酉仲冬又從賡研齋假得宋槧五百家注柳集
二冊自十六至二十一又自三十七至四十一凡十
一卷每卷首行標云新刊五百家注音辨唐柳先生
文集卷第幾其書乃南宋慶元中建安魏仲舉所編
與五百家注韓集同刊康熙庚寅在先師案上獲見
魏本韓集嘗借閱數旬雖非全本然止逸十之二今
所假柳集則僅存原文四之一耳魏氏所輯注釋因
不曉持擇故中多蕪累二冊外又假得宋槧小字本
柳集十二冊其注亦集諸家舊解而甚畧卷首標丹
陽洪慶善音注七字乃書賈假名流以張聲價耳如

上權補闕溫卷啟三十卷及三十六卷中前後複出
又三十卷下側注辨謗責躬四字而以上權補闕啟
綴寄許京兆諸人書之末案是啟止應舉求知之辭
於辨謗責躬義無涉使當日編次者粗涉文義必不
至此蓋又出建安本下逮矣

前代萬厯中刊柳集書篇首劉序者為錢唐莫睿未
知此集即刊於杭否也正集有凌準墓後志外集有
柳元方段弘古柳兵曹譚隨母等誌文四篇皆近刻
所無此五篇宋刊小字晉注本皆編入又後附龍城
錄及法言注五則并事迺雜文蓋承南宋葛嶠刊本

之舊柳注法言十三卷見於唐志者已久逸不存此
五則者乃採之司馬溫公所纂法言集注至龍城錄
又偽書也葛嶠字景溫江陰人其守南安刻柳集因
慕前守莆田方崧卿刊韓集於郡齋特欲以是配之
然方刊韓集如世傳文公論語筆解能辨其贗未嘗
附刊集末葛則愛博不精贅刻底下忌書以穢配韓
鉅文其識相去遠矣雍正己酉秋日兩窗校畢因書
其後

少章先生何義門先生之高足也其所著韓集
點勘已付梓矣此書脫稿甫就未有副本世有

侯芭當為補刊以入文道十書焉錦江志

振常案此

跋見
李本